

АГУУЛГА

1.Булган аймгийн танилцуулга

2.Үндсэн ойлголт

3.Танилцуулга

3.1 Хөдөлмөр эрхлэлт

3.2 Эдийн засгийн идэвхитэй хүн ам

3.3 Ажиллагчид

3.4 Ажилгүйчүүд

3.5 Ажилгүйдлийн түвшин

3.6 Ажиллах хүчний оролцооны түвшин

4.Ашигласан материал

БУЛГАН АЙМГИЙН ТАНИЛЦУУЛГА

Булган аймаг нь Түшээт хан аймаг, Түшээт ханы хошуунд хамрагдаж байгаад, 1691 оноос Дайчин вангийн хошуу болжээ. Анхны Засаг ноён нь Абатай сайн хааны удмын Чимчугнамжил байсан байна. Мөн 1924 оноос өмнөх үед Булган, Бугат, Хангал, Сайхан, Орхон, Сэлэнгэ сумд нь дайчин вангийн хошуу, Бүрэгхангай сум Жонон гүний, Дашинчилэн, Баяннуур сум Үйзэн гүний, Гурванбулаг сум нь Түшээт хааны, Хишиг-Өндөр, Могод сум нь Баруун гүний, Баян-Агт сум Үржин гүний, Хутаг-Өндөр сумын баруун тал нь Жанжий гүний, зүүн тал нь Дайчин вангийн 1918 онд Баатар вангийн, Тэшиг сумын баруун хэсэг нь Ар гөрөөчний отогт харьяалагдаж байгаад 1924 онд Орхоноос хойших сумд үндсэндээ Булган хан уулын хошуу болсон байна.

Анх аймаг байгуулагдахдаа 15 сум 128 баг, 10360 өрх, 43500 хүн амтай, нийт хүн амын 49.5 хувь нь эрэгтэй, 50.5 хувь нь эмэгтэйчүүд, 1.1 сая толгой малтай, 42250 ам км нутагтай байгуулж, Сэлэнгэ аймгаас Сайхан, Хантай, Сэлэнгэ, Булган, Сэлэнгэбүрэн, Халиун, Хангал, Цонхлон сумд, Төв аймгаас Бүрэгхангай, Авзага сум, Хөвсгөл аймгаас Тэшиг, Хутаг-Өндөр, Намнан, Баян-Агт сум, Архангай аймгаас Могод сумыг Булган аймагт харьяалуулж байсан байна.

Аймгийн төв Булган сум нь далайн төвшингөөс дээш 1210 м өндөрт, Улаанбаатар хотоос 318 км, агаараар 265 км, Сэлэнгэ аймгийн төв Сүхбаатар хотоос 335 км, Төв аймгийн төв Зуунмод хотоос 379 км, Хөвсгөл аймгийн төв Мөрөн хотоос 348 км, Архангай аймгийн төв Цэцэрлэг хотоос 282 км, Өвөрхангай аймгийн төв Арвайхээр хотоос 364 км дөрвөн замын уулзварт байдаг.

Хангайн нурууны салбар бэсрэг уулс Хантай, Булган хан, Хан жаргалант, Дулаан хан, Намнан, Хутаг-Өндөр, Онгон сарьдаг, Сардиг бүтээл, Бөхөн шарын нуруу, Бүрэн хан, Могодын нуруу, Авзага хайрхан, Бүрэгхангай, Хөгнө хан, Лах баян, Өрхтэй, Баянзүрх, Баян-Агт зэрэг 2000 метрээс дээш өндөр 20 гаруй уул нуруудтай. Хамгийн өндөр цэг нь Хантай нурууны оргил Давлин 2171 м, хамгийн нам дор газар нь Сэлэнгэ мөрний сав, Сүмийн булан, Ингэт толгой орчим далайн түвшингээс дээш 950 м байдаг.

Сэлэнгэ, Орхон, Туул, Эг, Хануй, Харбух, Тарвагтайн тарни, Хангал, Ингэт, Хужир, Баянгол, Зэлтэр, Алтайд, Ачуут, Могой, Төлбөр, Балиг, Цагаан гол зэрэг 388 гол горхи, 369 булаг шандтай. Хунт, Хульж, Хануй, Цагаан гол, Чин толгой, Чулуут, Хөөвөр, Зүүнтүрүү зэрэг 30 орчим рашаантай.

Уур амьсгал нь эх газрын эрс тэс сэрүүвтэр чийглэг 1-р сарын дундаж температур нь Булган хотын орчимд -22.8° , 7-р сард 16.5° , үнэмлэхүй дулаан нь 34.8 хэм, үнэмлэхүй хүйтэн нь -44.1° , жилийн дундаж тунадас 324 мл боловч, зарим жил 500 мл-с дээш байдаг. Салхины дундаж хурд 2.2 м/с, цасан бүрхүүлийн дундаж зузаан Булган орчимд 15-25 см, түрүүчийн цас 9-р сарын дундуур, сүүлийн цас 5-р сарын дундуур ордог. Хур бороо элбэгтэй учир агаар чийглэг, харьцах чийглэгийн жилийн дундаж 63 хувь байдаг.

Жилийн турш цэлмэг өдөр зонхилж 68-108, бүрхэг өдөр 12-66 байдаг. Байгалийн баялагт ашигт малтмалаас алт, мөнгө, зэс, молибден, хар тугалга, чулуун нүүрс, оюу, номин, болор, гантиг, боржин чулуу, барилгын төрөл бүрийн материал, элс хайрга, хүрмэн бай шохойн чулуу, зос, будаг элбэг.

Тус аймаг нь 2015 оны жилийн эцэст 60014 хүн амтай. Нийт хүн амын 50.8 хувь нь эрэгтэй, 49.2 хувь нь эмэгтэйчүүд, 16816 буюу 28.0 хувь нь 0-14 насны хүүхэд, 19503 буюу 32.5 хувь нь 15-34 насны залуучууд, 22026 буюу 36.7 хувь нь 35-69 насныхан,

1669буюу 2.8 хувь нь 70-аас дээш ахмадууд тус тус эзэлж байна. Хүн амын 12234 буюу 20.3 хувь нь аймгийн төв Булган суманд амьдарч байна.

Аймгийн нийт сум төвийн эрчим хүчинд холбогдсон. Холбоо мэдээллийн шинэ дэвшилтэт технологи бүрэн нэвтэрсэн. Үйлдвэрлэл, үйлчилгээ, төрийн болон хувийн хэвшлийн 1100 гаруй нэгжтэй, томоохон хот сууринтай хатуу хучилттай замаар холбогдсон. Хангайн гурил ХХК, Хонгор агро ХХК, Илчит металл ХХК зэрэг томоохон үйлдвэрүүдтэй. Жилдээ 280-300 орчим тэрбум ДНБ үйлдвэрлэдэг. Нийт ДНБ-ний 80 орчим хувийг Хөдөө аж ахуйн салбар бүрдүүлдэг.

ҮНДСЭН ОЙЛГОЛТ

Монгол Улсын Статистикийн тухай хуулинд 2004 онд оруулсан нэмэлт өөрчлөлт ёсоор 2006 оноос эхлэн жил бүр АХС-ны үр дүнг нэгтгэн улирлын давтамжтайгаар тархааж байна. АХС-нд сонгогдсон өрхөөс мэдээллийг сар бүр цуглуулж, улирлаар нэгтгэж, үр дүнг гаргадаг. Улсын хэмжээнд хүнд амын хөдөлмөр эрхлэлт, ажиллах хүчний мэдээ, тайлан гаргах, судалгаа явуулахад ҮСХ-ны дарга, Нийгмийн хамгаалал, хөдөлмөрийн сайд /хуучнаар/-ын 2009 оны 01/68/94 тоот хамтарсан тушаалаар батлагдсан “Хөдөлмөрийн эрхлэлт, ажиллах хүчний статистикийн үзүүлэлтийг тооцох аргачлал”-ыг мөрдөж байна.

Эдийн засгийн үйл ажиллагаа: Зах зээлд болон хувийн хэрэгцээнд зориулж үйлдвэрлэсэн бараа, үйлчилгээг хамруулна. Үндэсний тооцооны системийн хүрээнд бараа, үйлчилгээг худалдах, солилцох, өөрийн аж ахуйд хэрэглэх зорилгоор боловсруулсан түүхий эд материал, зах зээлд нийлүүлж байгаа бүхий л бүтээгдэхүүн, үйлчилгээ, зах зээлд худалдах, өөртөө хэрэглэх зорилгоор өрхөд үйлдвэрлэж байгаа бараа, үйлчилгээг хамруулна.

Эдийн засгийн бус үйл ажиллагаа: Хүүхэд, өндөр настан асрах, гэр цэвэрлэх, хоол ундбэлтгэх зэрэг цалин хөлс, орлого олохгүй үйл ажиллагааг хамруулна.

Эдийн засгийн идэвхитэй хүн ам /ажиллах хүч/-д: Үндэсний тооцооны системийн хүрээнд, тухайн цаг хугацаанд бүтээгдэхүүн үйлдвэрлэх, үйлчилгээ үзүүлэхэд ажиллах хүчээ нийлүүлж байгаа ажиллагч, нийлүүлэхэд бэлэн байгаа ажилгүй иргэдийг хамруулна. Эдийн засгийн идэвхитэй хүн амыг эдийн засгийн байнгын идэвхитэй хүн ам, эдийн засгийн тухайн үеийн идэвхитэй хүн ам гэж хоёр ангилна.

Эдийн засгийн идэвхигүй хүн ам: Эдийн засгийн идэвхитэй хүнд амд хамрагдахгүй хөдөлмөрийн насны нийт хүн ам болон хөдөлмөрийн насанд хүрээгүй хүн ам, хөдөлмөрийн наснаас дээш насны хүн амыг хамруулна. Эдийн засгийн идэвхигүй хүн амд хөдөлмөрийн нөхцөл, онцлогоос шалтгаалан тэтгэврийн наснаас өмнө тэтгэвэр, тэтгэмж тогтоолгосон хүн ам, хөдөлмөрийн чадвараа 6 сараас дээш хугацаагаар түр болон бүрэн алдсан иргэн, хөдөлмөрийн насны өдрөөр суралцагч, хүндэтгэх ба хүндэтгэх бус шалтгаанаар хөдөлмөр эрхлээгүй болон хөдөлмөрийн насанд хүрээгүй хүн амыг хамруулна. Эдийн засгийн идэвхигүй хүн амыг эдийн засгийн байнгын идэвхигүй хүн ам, эдийн засгийн тухайн үеийн идэвхигүй хүн ам гэж хоёр ангилна.

Ажиллагч: Цалин хөлс, орлого олох зорилгоор эдийн засгийн үйл ажиллагаанд оролцож, хөдөлмөр эрхлэлийн аль нэг статуст хамрагдаж буй иргэнийг ойлгоно.

Ажилгүй иргэн: Тухайн хугацаанд ажилгүй байсан, ажил хийхэд бэлэн, ажил идэвхитэй хайж байгаа хөдөлмөрийн насны, хөдөлмөрийн чадвартай иргэнийг хэлнэ.

Бүртгэлтэй ажилгүй иргэн: Монгол Улсын хуулиар зөвшөөрөгдсөн хөдөлмөрлөх насны, хөдөлмөр эрхлэх чадвартай, цалин хөлстэй ажил болон хувиараа хөдөлмөр эрхэлдэггүй, тухайн үед ажиллахад бэлэн, цалин хөлстэй ажил идэвхитэй хайж байгаа хөдөлмөр эрхлэлтийн хэлтэс болон хөдөлмөрийн биржид бүртгүүлсэн иргэдийг бүртгэлтэй ажилгүй иргэдэд хамруулна.

Ажил хайгч: Ажилгүй эсхүл ажилтай боловч ажлын нөхцлөө сайжруулах, нэмэлт орлого олох зорилгоор ажил хайж байгаа иргэнийг хэлнэ.

Ажиллах хүчний оролцооны түвшин: Эдийн засгийн идэвхитэй хүн амйн тоог хөдөлмөрийн насны хүн амын тоонд харьцуулж тооцно.

$$\begin{array}{l} \text{Ажиллах хүчний} \\ \text{Оролцооны түвшин} = \frac{\text{Эдийн засгийн идэвхитэй хүн амын тоо}}{\text{Хөдөлмөрийн насны хүн амын тоо}} \times 100 \end{array}$$

Хөдөлмөр эрхлэлтийн түвшин: Ажиллагчдын тоог хөдөлмөрийн насны хүн амын тоонд харьцуулна.

$$\begin{array}{l} \text{Хөдөлмөр эрхлэлтийн} \\ \text{түвшин} = \frac{\text{Ажиллагчдын тоо}}{\text{Хөдөлмөрийн насны хүн амын тоо}} \times 100 \end{array}$$

Ажилгүйдлийн түвшин: Ажилгүй иргэдийн тоог эдийн засгийн идэвхитэй хүн амын тоонд харьцуулна.


$$\begin{array}{l} \text{Ажилгүйдлийн} \\ \text{түвшин} = \frac{\text{Ажилгүй иргэдийн тоо}}{\text{Эдийн засгийн идэвхитэй хүн амын тоо}} \times 100 \end{array}$$

Хүснэгт 1. Хүн амын ажил эрхлэлтийн үзүүлэлт, оноор

Үзүүлэлт	2011	2012	2013	2014	2015
Нийт хүн ам	58.5	58.7	58.8	60.3	60.0
Хөдөлмөрийн насны хүн ам	35.8	38.2	37.9	35.4	36.2
Эдийн засгийн идэвхитэй хүн ам	28.7	29.6	28.9	28.0	28.3
Ажиллагчид	24.9	26.9	27.5	25.3	27.0
Ажилгүй иргэд	3.8	2.7	1.4	2.7	1.3
Бүртгэлтэй ажилгүй иргэд*		211	849	690	467
Эдийн засгийн идэвхигүй хүн ам		13122	8700	10736	8522
Ажиллах хүчний оролцооны түвшин %	80.2	77.4	76.3	79.1	78.2
Хөдөлмөр эрхлэлтийн түвшин %	69.6	70.4	72.6	71.5	74.5
Ажилгүйдлийн түвшин %	13.2	9.1	4.7	9.7	4.6

Манай аймгийн хүн амын тоо 2011 оноос тасралтгүй өсч, 2015 онд өмнөх оноос 0.5 хувиар буурсан байна. Хөдөлмөрийн насны хүн амын эзлэх хувь 2011 онд 64.4 хувийг, 2015 онд 58.2 хувийг эзэлж байна. Ажиллагсадын тоо 2010 оноос 8.4 хувиар өссөн байна.

Зураг 1. Хөдөлмөрийн насны хүн ам, хангайн бүсийн аймгуудтай харьцуулснаар, 2015 он




Манай аймгийн эдийн засгийн идэвхитэй хүн ам Хангайн бүсийнхээ бусад аймгуудтай харьцуулахад хамгийн бага 11 хувийг эзэлж байна. Ажилгүй иргэдийн тоо өмнөх оноос 52.2 хувиар буурсан ба ажилгүйдлийн түвшин өмнөх оноос 5.1 пунктээр буурсан байна.

Хүснэгт 2. Хөдөлмөрийн насны хүн ам /Улс, хангайн бүсийн аймгуудын дүнтэй харьцуулснаар/

Бүсээр	Хөдөлмөрийн насны хүн ам	Эдийн засгийн идэвхитэй хүн ам		Эдийн засгийн идэвхигүй хүн ам
		Ажил эрхлэж байгаа хүн ам	Ажилгүй иргэн	
Архангай	58025	39275	2125	16625
Баянхонгор	60958	37856	2680	20422
Булган	36258	27012	1304	8522
Орхон	61667	39401	850	21416
Өвөрхангай	62799	41039	1945	19815
Хөвсгөл	89307	54829	3797	30681
Хангайн бүс	369014	238832	12701	117481
Улсын дүн	1939300	1067589	92672	779039

Булган аймаг улсын хэмжээнд хөдөлмөрийн насны нийт хүн амын 1.8 хувь, ажиллагсадын 2.4 хувь, ажилгүй иргэдийн 1.4 хувь, эдийн засгийн идэвхигүй хүн ам 1.1 хувийг тус тус бүрдүүлж байна.

Зураг 2. Хүн ам, Хөдөлмөрийн насны хүн ам, оноор



Зургаас харахад хөдөлмөрийн насны хүн ам 2006 онд 36.3 мянган хөдөлмөрийн насны хүн амтай байсан бол 2015 онд 36.2 мянга болж буурсан байна.


ЭДИЙН ЗАСГИЙН ИДЭВХИТЭЙ ХҮН

Хүснэгт 3. Эдийн засгийн идэвхитэй хүн ам, бүсээр

Бүсээр	2011	2012	2013	2014	2015
Хангайн бүс	253.4	273.7	276.4	260.9	251.5
Архангай	49.2	49.6	48.3	45.3	41.4
Баянхонгор	36.3	38.6	39.1	40.0	40.5
Булган	28.7	29.6	28.9	28.1	28.3
Орхон	37.2	41.7	39.4	40.3	40.2
Өвөрхангай	48.0	54.3	57.7	54.5	42.9
Хөвсгөл	54.0	59.9	63.0	52.7	58.6

Хангайн бүсэд 2015 онд улсын нийт эдийн засгийн идэвхитэй хүн амын 251.5 мянган буюу 21.7 хувь нь байна. Харин Булган аймгийн эдийн засгийн идэвхитэй хүн ам хангайн бүсийн эдийн засгийн идэвхитэй хүн амын 27.7 мянга буюу 11.0 хувийг эзэлж байгаа бөгөөд өмнөх оноос 0.3 пунктээр буурсан байна.

Зураг 3. Эдийн засгийн идэвхитэй хүн ам, улсын дундаж, бүсээр, оноор



Хөдөлмөрийн насны хүн амын хувийн жин нэмэгдэж байгаа нь хүн ам зүйн ачааллыг бууруулахад ихээхэн нөлөөлөх ба эдийн засгийн агуулгаараа энэ хөгжлийн гол чиг хандлага болох хүчин зүйл юм. Энэ нь ажилгүйдэл, бүрэн бус хөдөлмөр эрхлэлтийг бууруулснаар гарах үр дүн бөгөөд “Шинэ Булган” хөтөлбөрийн ажилтай орлоготой Булганчууд зорилтыг хэрэгжүүлснээр гарч байгаа үр дүн нөлөөлж байна.

Хүснэгт 4. Эдийн засгийн идэвхитэй хүн ам, Улс, хангайн бүсийн аймгууд, хүйсээр

Үзүүлэлт	Бүгд	Хүйсээр	
		Эрэгтэй	Эмэгтэй
Архангай	42133	22978	19155
Баянхонгор	39440	20800	18640
Булган	28329	14260	14069
Орхон	39841	21035	18806
Өвөрхангай	41888	21971	19917
Хөвсгөл	57927	30214	27713
Хангайн бүс	248152	130758	117394
Улсын дүн	1164060	624565	539495

Улсын хэмжээнд эдийн засгийн идэвхитэй хүн амын 53.6 хувийг эрэгтэйчүүд, 46.4 хувийг эмэгтэйчүүд эзэлж байна. Хангайн бүсийн 52.6 хувь эрэгтэйчүүд, 47.4 хувь нь эмэгтэйчүүд эзэлж байгаа бол манай аймагт 50.4 хувийг эрэгтэйчүүд, үлдэх 49.6 хувь нь эмэгтэйчүүдийн эдийн засгийн идэвхитэй хүн амыг бүрдүүлж байна.

АЖИЛЛАГСАД

Хүснэгт 5. Ажил эрхлэж байгаа хүн ам, улс хангайн бүсийн аймгууд, хүйсээр

Үзүүлэлт	Бүгд	Хүйсээр	
		Эрэгтэй	Эмэгтэй
Архангай	39.1	21.1	18.0
Баянхонгор	37.8	20.1	17.7
Булган	27.0	13.7	13.3
Орхон	39.3	20.5	18.8
Өвөрхангай	40.9	21.9	19.0
Хөвсгөл	54.8	28.9	25.9
Хангайн бүс	238.8	126.2	112.6
Улсын дүн	1067.5	568.1	499.4

Хангайн бүсийн аймгуудын ажиллагсдын тоог зэрэгцүүлж харахад хамгийн их нь Хөвсгөл аймаг 52.7 мянга ажиллагсадтай ба хамгийн бага нь 27.0 мянган ажиллагсадтай Булган аймаг байна. Ажиллагсдын 50.7 хувь нь эрэгтэйчүүд байгаа нь өмнөх оноос 1.8 пунктээр өссөн байна.

Хүснэгт 6. Ажиллагсад, ажил мэргэжлийн ангиллаар, хүйсээр


Ажил мэргэжлийн ангиллаар	Бүгд	Эрэгтэй	Эмэгтэй
Бүгд	27012	13941	13071
Менежер	972	573	399
Мэргэжилтэн	2234	768	1466
Техникч болон туслах/ дэд мэргэжилтэн	576	246	330
Контор, үйлчилгээний ажилтан	582	43	539
Худалдаа, үйлчилгээний ажилтан	2214	700	1514
Хөдөө аж ахуй, ой, загас агнуурын мэргэшсэн ажилтан	17086	9169	7917
Үйлдвэрлэл, барилга, гар урлал, холбогдох ажил, үйлчилгээний ажилтан	702	536	166
Машин механизм, төхөөрөмжийн операторч, угсрагч	824	824	0
Энгийн ажил, мэргэжил	1632	892	740
Зэвсэгт хүчний ажил, мэргэжил	188	188	0

Хүснэгт 7. Ажиллагсад, хүйсээр, эдийн засгийн ангиллаар

Эдийн засгийн ангилал	Бүгд	Эрэгтэй	Эмэгтэй
Бүгд	27012	13941	13071
ХАА, ойн аж ахуйн, загас барилт, ан агнуур	17402	9407	7994
Уул уурхай, олборлолт	43	43	0
Боловсруулах үйлдвэрлэл	408	289	119
Цахилгаан, хий, уур, агааржуулалт	81	42	39
Усан хангамж, бохир ус зайлуулах систем, хог, хаягдлын менежмент	159	80	79
Барилга	451	451	0
Бөөний болон жижиглэн худалдаа, машин мотоциклийн засвар үйлчилгээ	1102	335	767
Тээвэр ба агуулахын үйл ажиллагаа	450	409	40
Зочид буудал, байр сууц болон нийтийн хоолны үйлчилгээ	360	120	240
Мэдээлэл, холбоо	254	131	123
Санхүүгийн болон даатгалын үйл ажиллагаа	287	39	248
Мэргэжлийн шинжлэх ухаан болон техникийн үйл ажиллагаа	311	157	154
Удирдлагын болон дэмжлэг үзүүлэх үйл ажиллагаа	44	44	0
Төрийн удирдлага ба батлан хамгаалах үйл ажиллагаа, албан журмын	2150	1288	862
Боловсрол	2120	625	1495
Хүний эрүүл мэнд ба нийгмийн халамжийн үйл ажиллагаа	1041	360	681
Урлаг, үзвэр, тоглоом наадам	153	39	114
Үйлчилгээний бусад үйл ажиллагаа	157	81	76
Олон улсын байгууллага, суурин төлөөлөгчийн үйл ажиллагаа	40	0	40

АЖИЛГҮЙЧҮҮД

Зураг 4. Ажилгүйчүүд, оноор



Зургаас харахад ажилгүй иргэд 2010 онд хамгийн их буюу 4662 байсан бол түүнээс хойш тогтмол буурсан үзүүлэлттэй байна.

Хүснэгт 8. Ажилгүй иргэд, улс, хангайн бүсийн аймгууд, хүйсээр

Аймаг	2012		2013		2014		2015	
		Эмэгтэй		Эмэгтэй		Эмэгтэй		Эмэгтэй
Архангай	1612	939	2125	1000	1752	958	2125	935
Баянхонгор	1391	591	2858	1521	2244	1010	2680	914
Булган	2678	1093	1363	497	2729	957	1304	564
Орхон	5934	2538	8310	4348	4953	2124	850	120
Өвөрхангай	1837	1215	2890	1353	1907	613	1945	1116
Хөвсгөл	9130	4047	9479	4743	4150	2024	3797	1431
Хангайн бүс	22582	10423	27025	13462	17735	7686	12701	5080
Улсын дүн	94705	44392	94732	47344	95856	41513	92672	38983

Манай аймагт улсын нийт ажилгүй иргэдийн 1.4 хувь, хангайн бүсийн ажилгүй иргэдийн 10.3 хувь нь байгаа бол тэдгээрийн 56 хувь нь эрэгтэйчүүд, 44 хувь нь эмэгтэйчүүд байна. Ажилгүй иргэдийн тоо өмнөх оноос 47.8 хувиар буурсан байна.

АЖИЛГҮЙДЛИЙН ТҮВШИН

Хүснэгт 9. Ажилгүйдлийн түвшин, улс, хангайн бүсийн аймгууд, хүйсээр


Аймаг	2012	2013	2014	2015
Архангай	3.3	4.4	3.9	5.0
Баянхонгор	3.6	7.3	5.6	6.4
Булган	9.1	4.7	9.7	4.6
Орхон	14.2	21.1	12.3	2.2
Өвөрхангай	3.4	5.0	3.5	2.2
Хөвсгөл	15.2	15.1	7.9	6.7
Хангайн бүс	8.3	9.3	6.8	4.9
Улсын дүн	8.2	7.9	7.9	7.5

Ажилгүйдлийн түвшин улсын хэмжээнд 7.5 хангайн бүсэд 4.9 байгаа бол манай аймгийн хувьд улсын түвшингөөс 2.9 пункт, хангайн бүсийн түвшингөөс 0.3 пункт, өмнөх оноос 5.1 пунктээр тус тус буурсан байна.

АЖИЛЛАХ ХҮЧНИЙ ОРОЛЦООНЫ ТҮВШИН

Ажиллах хүчний 2013 оны судалгаагаар ажиллах хүчний оролцооны түвшин (АХОТ) улсын хэмжээнд 56.3 хувь, 2014 онд 56.2 хувь, 2015 онд 55.4 хувь байхад Булган аймгийн ажиллах хүчний оролцооны түвшин (АХОТ) 2014 онд 79.1 хувь, 2015 онд 78.2 хувь байгаа нь улсын дундажаас 2014 онд 22.9 пунктээр, 2015 онд 22.8 пунктээр их байна.

Зураг 5. Ажиллах хүчний оролцооны түвшин, хангайн бүс, 2015 он



2015 оны жилийн эцэст хангайн бүсийн аймгуудад ажиллах хүчний оролцооны түвшин (АХОТ) Архангай аймаг 73.4 хувь, Булган аймаг 78.2 хувь байгаа нь хамгийн өндөр, Хөвсгөл аймаг 62.9 хувь байгаа нь хамгийн бага байна.

АШИГЛАСАН МАТЕРИАЛ

- Булган аймгийн жилийн эцсийн хүн ам, нийгмийн зарим үзүүлэлтийн мэдээ 2011-2015 он
- Улсын статистикийн эмхэтгэл 2014, 2015 он
- Ажиллах хүчний судалгааны үр дүн 2015 он
- www.nso.mn
- www.1212.mn
- www.bulgan.ubseg.gov.mn